



العنف العائلي وتأشيرة بتاعت شريك الحياة

الناس العندهم تأشيرات بتاعت شريك الحياة ممكن يعيشو في أستراليا ويستمتعو بعلاقات مافيهما اضطهاد أو معاملة كعبة.

العنف المنزلي والعائلي ده كلام ما كويس وماقبول في أستراليا.

شريك الحياة أو أي زول من ناس البيت أو أي زول ثاني في مجتمع بتاعك ماممكن يهدد وضع بتاع تأشيرة بتاعتك.

لو انت عندك تأشيرة مؤقتة بتاعت شريك الحياة (الفئة الفرعية 309 أو 820) أو تأشيرة الزواج المحتمل (الفئة الفرعية 300) وحصل ليك عنف عائلي وعلاقة بتاعتك انتهت، قانون بتاع الهجرة الأسترالي فيو بنود بتسمح ليك بالإستمرارية لو قدمت طلب للتأشيرة الدائمة بتاعت شريك الحياة (الفئة الفرعية 100 أو 801).

لو إنت أو أي زول بتعرفو اتعرضت للخطر اضرب تلفون للبوليس على الرقم ده **000**.

ما تخاف من ناس البوليس في أستراليا، ناس ديل كويسين وممكن زول يثق فيهم طوالي.

لو انت داير معلومات وإستشارات سرية ومجانية إتصل بخدمة بتاعت 1800RESPECT على الرقم ده **1800 737 732**.

لو انت محتاج مترجم بالمجان إتصل على رقم تلفون ده **131 450**.

حكومة بتاعت أستراليا (Australian Government) ما بتتسامح مع العنف المنزلي والعائلي مهما كانت الظروف.

العنف المنزلي والعائلي دي جرايم بخالف القانون في أستراليا . وممكن الزول البعمل الجرايم دي يدخل السجن، لو كان راجل أو مره.

العنف المنزلي والعائلي هو سلوك أو تهديد عشان الزول يسيطر على الشريك ويخوفو ويهدد سلامتو.

أي زول يحصل ليو عنف منزلي وعائلي في أستراليا ممكن يلقي المساعدة من خدمات بتاعت الدعم

انت ممكن تلقى المساعدة مهما كانت حالة التأشيرة أو الهجرة بتاعتك.

وممكن برضو تلقى المساعدة حتى لو علاقتك مع شريك بتاعك انتهت.

1800RESPECT هي خدمة وطنية للاستشارات المتعلقة بالاعتداء الجنسي والعنف العائلي والمنزلي في أستراليا. خدمة دي بتقدم استشارات ومعلومات سرية بالمجان بالتلفون أو الإنترنت. مستشارين ديل بستمعو ليك ويجاوبو على الأسئلة بتاعتك وممكن يحولوك إلى خدمات بتاعت دعم تانية في منطقتك المحلية.

اتصل برقم تلفون ده **1800 737 732** أو خُش في موقع انترنت بتاع **1800RESPECT** على **www.1800RESPECT.org.au**.

هل انت محتاج لمترجم؟

اتصل بخدمة بتاعت الترجمة التحريرية والشفهية **Translating and Interpreting Service (TIS)** على الرقم **131 450**. المترجم بتاع TIS ممكن يساعدك في الاتصال بالخدمات التانية، لكن TIS ما بتقدم استشارات. كل المكالمات بكون مجانية وسرية.

لو انت داير معلومات زيادة عن عنف عائلي لو كانت عندك تأشيرة:

معلومات زيادة عن عنف عائلي وتأشيرات ممكن تلقاها في موقع انترنت بتاع وزارة الشؤون الداخلية **www.homeaffairs.gov.au**.